

# کتاب الایسراء فی الخواص والادکام

اسماء حسنی سبانیہ و آیات جلیلہ قرآنیہ ایلہ اولیاء عظام و مشایخ  
کرام حضراتندن منقول اذکار جلیلہ نک مجرب و قطعی  
خواصندن باحث مهم بر اثر در

مؤلفی : سید سلیمان الحسینی

صاحب و ناشری : جهان کتبخانه سی

استانبول : نجم استقبال مطبعہ سی

۱۳۴۴

## بِسْمِ اللّٰهِ الرَّحْمٰنِ الرَّحِیْمِ

خاکی کون و مکان ، مبدع زمین و آسمان ، مقلب الاحوال و الازمان جلت عظمتہ و تقدست ذاته عن الخطاء و النقصان سبحانہ و تعالیٰ حضرت تیرینہ حمد و ثناء و مفضلہ موجبات ، باعث ایجاد کائنات ، رسول کبریا و حبیب خدا پیغمبر عز محمد المصطفیٰ صلی اللہ تعالیٰ علیہ وسلم اقدمزلہ آل و اصحاب کرامنہ صلوات و سلام بی انتہاء عرض و اهدا ہندن صکرہ راقم الحروف پر تقصیر سید سلیمان الحسینی عنی اللہ عن سیئاتہ شو و جہلہ بسط کلام و عرض مرام ایلرکہ :

اخوان دینمہ ، و ارباب اخلاص و یقینہ بر خدمت ، معنویاتک بوکون و مکان ، احوال و خصوصات جہان و زمان اوزرنده کی قطعی و محقق تأثیرندن استعانہ لرنده بر سہولت اولمق اوزرہ اعظم اولیاء و اکابر عاماء رضی اللہ عنہم حضرتانک آثار جلیلہ و قدسیہ لرندن جمع و تلفیق ایلہ بوندن اول نشرینہ موفق اولدینم (کنز الخواص) نام اثر عاجزانہ کہ کوستریلان رغبت و توجہ داعی حقیر - آماماً للفائدہ - بو کتابی دہ تحریر و نشرہ . ارباب مراق و مطالعہ یہ عرض و اهدایہ سوق و تشویق ایلدی .

کنز الخواصی نشر ایتدیکم زمان اوکا ، آنجق خواص شریفہ ایلہ اشتغال بیوران ذوات کرامک التفات و رغبت کوسترہ جکرنی ظن و تخمین ایتمش اولدینمندن ، ارباب خواص و طلباتک معلوملری اولہ جفی درکار ہونان بعض خصوصات و معلومات ابتدائیکہ درجنہ لزوم و احتیاج اولدیننی ظن ایلشدم . فقط کتاب مذکورک نشرندن بری آلدینم بیکرجه مکتوبلر او اثر ناچیزانہ کہ ارباب خواصدن غیری بر خیلی اخوان دینک دہ رغبت کوسترمش اولدق لرنی ارانہ ایلدی . قارئ و قارئہ لرم بو مکتوبلرنده داعی حقیردن برچوق شیلر صورویور و بو بابده معلومات طلب ایدیورلردی . بورادہ اوسؤاللرہ جواب و یرمکہ و کندیلرنده حاصل اولان مشکلاتی ازالہ ایلکہ لزوم کوردم . بناءً علیہ قرائت خواص بچیندہ بیلنمسی لازم کلان و کنز الخواصده - بالادہ عرض اولنان اسبابہ مبنی - اہمال اولنان معلومات و مسروداتی دہ بیان و ایضاح ایلدم .

بو کتاب (کنز الخواص) که احتوی ایلدیکی بر چوق مجرباتی محتوی اولمغه برابر (کنز الخواص) ده مسطور و مندرج خواص شریفه و اذکار جلیله دن بعض مهم مجرباتی ده احتوی ایلدیکندن مطالعه سنه رغبت بیوراجق اخوان دینک استفاده و استفاضه لرینه - شبهه سزکه - دها زیاده خدمت ایده جکدر .

ینه قارئین کرامک «کنز الخواص» ه قارشنی درمیان ایلدکلی اعتراضلردن یری ده آیات منیفه و اوراد شریفه ایله عزائم و ادعیه جلیله نکه حرکه سز اولملریدره فی الواقع لسان عربیه واقف اولمایانلرک حرکه سز اولدیفی حالده عربی عباردلی طوغری او قومق خصوصنده دوچار اوله جقلری مشکلات مجهولم دکلدی . فقط اوزمان بونلری حرکه لی نشره ماده امکان یوقدی . او زمان اختیارینه جسارت ایده مدیکم مادی و معنوی کلفی - امیدیمک قات قات فوقنده اوله رق کوستریلان التفات و توجهه بناء - بو کتابده اختیاره جسارت ایتدم . محضاً قارئین و قارئات کرامی ممنون ایتکم و قرائتده مشکلات و خطا و وقوعه میدان قلامق مقصدیله وقت و نقد خصوصنده بیوک برفدا کارلغی کوزه الديرارق اکثری عربی عباره لمی حرکه لی اوله رق ترتیب ایتدیردم . و ققلرده و عبارده لرده برسه و خطا وقوع بولماسنه صوک درجه ده اعتنا ایلدم .

موجودات و مخلوقات اوزرنده معنویاتک غیر قابل انکار اولان تأثیرینی اغرض و یا خود عن جهل انکارده بولنان و اصرار ایدنلره خطابدن کندیمی وارسته کوریرم . اولر، زمان سعد اقتران نبوی ده کی ارباب شقاق و نفاق کبی اولوب بصیرت لرنی جهل و غفلت پرده دار ایتمش، قلدلرنی ماده پرستی و عناد استیلا ایدوب قولاقلری ده حق و حقیقته قارشنی طیقانمش اولدیغندن کورمز، اکلاماز و ایشتمزلر . بناء علیه یوکبی کسانی غیر قابل خطاب عد ایدرک مقر و معتقد معنویات بولنان اهل ایمان و یقینک بو خدمت حقیرانه می تقدیر بیوره جقلرنی امید ایلرم .

همان جناب حق و فیاض مطلق حضرتلری امت ناجیه محمدیه بی واصل سرمنز سعادت ، بالجمله امور دینی و دنیویه لرنده نائل فوز و موفقیت بیورسوند طاسیله تزین زبان ایدر ، بوداعی کینه بی رحمتله یاد بیورملری رجاسیله اخوان دینه عرض شکران ایلرم . و من الله التوفیق .

سید سلیمان الحسینی

طوبقیو: ۱۱ شوال المکرم ۱۳۴۱

# مدخل

كرك دنوی و كرك اخروی مقاصد خیریه سنه نائل و موفق اولق  
مقصدیله خواص شریفه دن استعانه یی آرزو ایدن ذاتك برطاقم شرائطه  
رعایت ایتمی ایجاب ایدر . بو شرطلرده بوجه آتی بیان و ایضاح  
اولمشدر :

## برنجی شرط

اعتقاد و ایمان

اوقونه جق خواص شریفه نك بهمه حال اجرای تاثیر ایلیه جكنه ،  
مطلوب و مقصدك لا بد حاصل اوله جفته اعتقاد و ایمان شرط اعظمدر .  
قراء ، قلبی و ذهنی بارگاه جناب کبریایه متوجه ، فکری مقصد  
و مرادی اولان شیه مشغول اولدینی حالده قرائت ایتلیدر . عجب  
اولورمی و یا اولمازمی کبی تردد و اشتباه عدم حصولی بادی اولور .  
بناء علیه قلبنده تام بر ایمان و اعتقادی اولیه رق خواص شریفه قرائتی  
یهوده اضاعه وقت اوله جفتدن ارباب شك و ارتیابك نافله یره .  
یورولما لیرینی توصیه ایلرم .

## ایکنجی شرط

نظافت و تمیزك

خواص شریفه قرائتی اثناسنده نظر دفته النسی الزم اولان

شرط لردن بری ده نطافتدر. بوده: وجودده ، محلهه ، لباسده نطافت اولمق اوزره اوچ قسمدر .

وجودده نطافت -- جنب و حیض کبی شیردن طاهر بولنمق لازمدر. ارواح علویه دن استعانه هر حالده آبدستلی اولمق ایله مشروطدر. بوندن بشقه وجودک هر طرفی، نجاست و هر درلو پیسلکدن عاری بولنمیدر . بو جهتی کالیله تأمین ایده بیلیمک ایچون اک اسلم طریق ، قرائت خواصه مباشرتدن اول غسل ایدوب تمیزلنمک و وجودک هر طرفی ییقایوب تطهیر ایلمکدر .

محلهه نطافت -- خواص شریفه قرائت اولنه جق اوطه و یا هر هانکی بر محل تمیز و طاهر اولمیدر . کوزلجه سوپوریلوب سیلنملی ، اوروجک آغلری ازاله ایتملی ، رسم لوحه لری وار ایسه قالدیرملی ، کوپک و کدی کبی حیوانلر وار ایسه دفع ایتملی ، فنا قوقوسی کله جک درجهده آبدستخانه یه یقین اولماملیدر .

الیسهده نطافت -- الیسه و چاشیرده نجاست ، بول ، قان ، کیرلیک بولنماملیدر . بناء علیه خواص شریفه قرائتنه مبادرتدن اول تمیز چاشیر کیمک مناسبدر . دائما کیدیکی طیش الیسه سنک تمامیه طاهر اولهمه جفی طبیعی بولندیغندن ، اوندن بشقه لباسی یوق ایسه تمیز چاشیر کیه رک اوحالده قرائته مشغول اولمق ایجاب ایدر .

## اوچنجی شرط

نیت

خواص شریفه و اذکار جلیله یی قرائته باشلامازدن اول نیت ایتمک

شروط لازمہ دن بریدر « یارب سن قادر مطلقسک ، کیزی و آشکار  
 هر شیتی بیلیرسک . سنک امر و ارادهک، اذن و مساعدہک، اولقسزین  
 هیچ بر شی حصول بولماز . سن وعدکہ صادق ، خلف و رجوعدن  
 منزہسک . بکادعا ایدیکنز اجابت ایدهیم بیوردک . کمال لطف و کرمکدن  
 فلان ایشمدہ بکا عون و عنایت ربانیہ کی یاور و هدایت سبحانیہ کی  
 رہبر بویور ، دیمک و صکرہ او قومغه باشلامق لازمدر .

### دردنجی شرط

امساک و ریاضت

قرائت خواصہ قرار ویرلدیکی زمان اوچ و هیچ اولماز ایسہ بر  
 کون اوروج طوتوب بر مقدار زیتون و یا خورما ایله افطار ایلدکدن  
 صکرہ قارنی تمامیلہ طیقہ باصہ طولو اولدینی حالده باشلامق لازمدر .  
 معدده حرام شیردن بری بولنماق ایجاب ایدر . آغزده صوغان  
 و صارمساق کبی فنا قوقولی شیر اولمایدیر .  
 اگر او قونہ جق خواص شریفہ بر قاج کونلر دوام ایده جک ایسہ  
 ختامنه دکن محرماتدن ، قارنی طیقہ باصہ طویورمقدن، چیک صوغان،  
 چیک و پیشمش صارمساق ییکدن اجتناب ایتمایدیر .  
 اشبو شرطلرہ رعایت تامہدن صکرہ قبلہ یہ متوجہاً ایکی دیز  
 اوزرینہ اوتورارق واللری دیزلری اوزرینہ قویہرق کمال خضوع  
 و خشوع ایله قرائتہ باشلامایدیر .

### بخور و توتوسی

قرائت خواص و تحریر عزائم و اوافاقده بخور و توتوسی یہ نروم

قطعی وارد ر . جلب و تسخیر ، القای محبت ، اصلاح بین ، تأمین موفقیت کبی شیرده بخور کوزل قوقولی شیر، کونلک، عود آغاجی، عنبر قابوغي ، عنبر کبی بخور لر استعمال اولونور . القای نفرت ، افتراق ، قهر و تدمیر کبی خصوصاتده ایسه شیطان ترسی ، قرمزی صارمساق ، قاطر طرناغی ، کچی قیلی کبی ککریه رایجھلی شیر قوللانیلیر .

مع هذا بعض خواص واذكار كندینه مخصوص بخوری اولوب بونلر محل مخصوصنده آیروجه بیان ایدیله جکدر .

### استحضارات

قراثة مبادرتدن اول بر منغال ویاخود بخوردان ایله لزومی اولان توتسی احضار اولنور . نیت ایله برابر بخوردن آزار آزار آتسه براقیلوب او قومغه باشلانیلیر . وقرائت دوام ایلدیکی مدتجه توتسی آتشدن اکسیک ایدلر .

شاید او قونه جق شی ساعتلرجه دوام ایده جک قدر اوزون ایسه ویاخود او قویان کسه نك اوزون زمان ایکی دیز اوزرنده اوتور مسنه مانع بر راحتسزلکی وار ایسه دیز اوستنه اوتوردینی خالد باشلا یوب صکره باغداش قورمق و اوصورتده دوام ایدوب ینه دیز اوزرینه کله رك بتیرمك جا زدر .

### مناسب وقتلر

خواص شریفه واذکار جلیله او قومق ایچون اک مناسب وقت

کیجه یاریسندن صکره ، هرکسک درین اویقوده اولدینی وجهانی بر عمیق سکون و سکونت قابلا دینی زماندر .  
 بعض خواص شریفه واردر که اوقونسی ایچون وقت وزمان مخصوص واردر . بالطبع بونلر کندی زمانلرنده اوقونور . ایشته بو اوقات وساعات مخصوصه بی ، قارئین کرامک قولایجه بولوب اوندن استفاده لری ایچون بروجه آتی معلومات ویریورم :

سیارات سبعة

نجوم و سیاراتک زمین و زمان اوزرنده مهم تأثیری اولدینی جهته خواص اوقومق ، نسخه و طلسم یازمق خصوصلرنده بونلرک اهمیت مخصوصه لری واردر . بناء علیه اسملری ، ایام مخصوصه سی ، طبیعتی ، ساعتی ، علوی و سفلی ملکری بروجه آتی بیان اولونور .

اسمی	کونی	طبیعتی	علوی ملکی	سفلی ملکی
کونش	بازار	حار یابس	رُوقیائیل	مَینمُون
آی	بازار ایرتسی	بارد رطب	جَبْرَائیل	مُسرّه
مریخ	صالی	حار یابس	سَمْسَمَائیل	أَحْمَر
عطارد	چهارشنبه	ممتزج	مِیکَائیل	بُرْقَان
مشتری	پنجشنبه	حار رطب	صَرَفِیَائیل	شَهْوَرَش
زهره	جمعه	بارد یابس	عَینِیَائیل	زُوبَعَه
زحل	جمعه ایرتسی	بارد رطب	کَسْفِیَائیل	مُذَهَب

## بروج اصلیه یا خود منازل شمس

اجرام سماویہ نك، مہانکی بر برجده بولندیغی زمان احوال  
 وحادثات اوزرینہ اولان تأثیر ونفوذی بشقہ بشقہ اولدیغندن قرائت  
 خواص خصوصندہده بو جہتلی نظر دقتہ آلمق ایجاب ایدر .  
 کونشک کزرکاهی اولان بروج اصلیه اون ایکی اولوب شمس  
 بولردن مہر بندہ بر آی قالیرہ اونلرده بروجہ آتی بیان اولنشدیر :

اسمی	طبیعی	زمانی
حمل	ناری	عن ۲۱ مارت الی ۲۱ نیسان [۱]
ثور	ترابی	عن ۲۱ نیسان الی ۲۲ مایس
جوزا	هوائی	عن ۲۲ مایس الی ۲۲ حزیران
سرطان	مائی	عن ۲۲ حزیران الی ۲۳ تموز
اسد	ناری	عن ۲۳ تموز الی ۲۴ اغستوس
سنبلہ	ترابی	عن ۲۴ اغستوس الی ۲۴ ایلول
میزان	هوائی	عن ۲۴ ایلول الی ۲۴ تشرین اول
عقرب	مائی	عن ۲۴ تشرین اول الی ۲۳ تشرین ثانی
قوس	ناری	عن ۲۳ تشرین ثانی الی ۲۲ کانون اول
جدی	ترابی	عن ۲۲ کانون اول الی ۲۱ کانون ثانی
دلو	هوائی	عن ۲۱ کانون ثانی الی ۱۹ شباط
حوت	مائی	د ۱۹ شباط د ۲۱ مارت .

[۱] الیوم مستعمل اولان تاریخ افرنجی اولدیغندن بولردہ افرنجی

## منازل قر

منازل قر یکرمی سکز اولوب آی ، بونلرک هر برنده یکرمی  
درت ساعت و کسور دقیقه قالیر اونلرده بوجه آتیدر :

شرطین . بطین . ثریا . دبران . هقعه . هنعه . ذراع . نثره .  
طرفه . جبهه . زیره . صرفه . عوا . سهاک . غفر . زباننا . اکیل  
قلب . شوله . نعام . بلده . سعدذابح . سعبدلیح . سعدالسعود .  
سعدالاحیه . فرع مقدم . فرع مؤخر . رشا .

بو منازل قردن هر برینه حروف هجادن بر حرف منسوب اولوب  
او حرفک اسرار حروف بچنده مذکور خواص مخصوصه سندن استفاده  
ایتمک ایچون قمرک او حرفه منسوب منزلده بولونمسنه انتظار اولونور .

صره سی	اسمی	حرفی	عناصره نسبتی
۱	شرطین	ا	ناری
	بطین	ب	ترابی
۳	ثریا	ج	هوائی
۴	دبران	د	مائی
۵	هقعه	ه	ناری
۶	هنعه	و	ترابی
۷	ذراع	ز	هوائی
۸	نثره	ح	مائی
۹	طرفه	ط	ناری
زحر	جبهه	ی	ترابی

عناصره نسبتی	حروفی	اسمی	ص.بی
هوائی	ك	زبره	١١
مائی	ل	صرفه	١٢
ناری	م	عوا	١٣
ترابی	ن	سماك	١٤
هوائی	س	غفر	١٥
مائی	ع	زباننا	١٦
ناری	ف	اكلیل	١٧
ترابی	ص	قلب	١٨
هوائی	ق	شوله	١٩
مائی	ر	نعائم	٢٠
ناری	ش	بلده	٢١
ترابی	ت	سعدذابح	٢٢
هوائی	ث	سعدبلح	٢٣
مائی	خ	سعدالسعود	٢٤
ناری	ذ	سعدالاخيه	٢٥
ترابی	ض	فرع مقدم	٢٦
هوائی	ظ	فرع مؤخر	٢٧
مائی	غ	رشا	٢٨



## منازل قمرک اون ایکی برجه تقسیمی

اصابت ایدن منازل قمر	بروج اصلیه
فرع مؤخر ، رشا و شرطینک اوچده ایکیسی	حمل
شرطینک ثلثی ایله بطین و ثریانک ثلثانی	ثور
ثریانک ثلثی ایله دبران و هقعه	جوزا
هنعه و ذراع ایله نژهنک ثلثانی	سرطان
نژهنک ثلثی ایله طرفه و جبههک ثلثانی	اسد
جبههک ثلثی ایله زبره و صرفه	سنبله
عدا و سماک ایله غفرک ثلثانی	میزان
غفرک ثلثی و زیانا ایله اکلیک ثلثانی	عقرب
اکلیک ثلثی ایله قلب و شوله	قوس
نعایم و بلده ایله سعد ذابحک ثلثانی	جدی
سعد ذابحک ثلثی ایله سعد بلح و سعودک ثلثانی	دلو
سعودک ثلثی ایله سعد اخیه و فرع مقدم .	حوت

## قمرک اون ایکی برجه مناسبتی

قمر ، بر عربی آی ظرفنده اون ایکی بروج اصلیه یی کچر . هر  
 هر هانکی بر کون قمرک هانکی بر جده بولندیغنی آکلامق ایچون آتیده یی  
 جدوله مراجعت ایتمک کافیدر . چونکه شمش کی قمرکده اون ایکی  
 برجدن برنده بولنسی تاثیر خواص و عزایمده حائر اهمیتدر .



## اصول مراجعت

جدولك ايلك خانه سی عربی آیک کونلرینی اراثة ایدر . اوست صرہ ده، کورولدیکی وجهله شهور میلادیہی کوستیر . اول امرده هانکی میلادی آیدہ بولونیور ایسہ کاونی کوریرز . صکرہ عربی آیک قاچنجی کونندہ ایسہ ک بولورز . ہر ایکی صرہ نک بربریلہ برلشدیکی نقطہ ده محرر برج اسمنی آیرز . ایشتہ قر اوکون او برجدہ بولونیور . مثلاً قمرک حوت برجدہ بولندیغی زمان قرائتی ایجاب ایدر دنیلان خواص ویا عزیمتی یوم مخصوصندہ او قومق ایچون بوصورتلہ اونی تعیین ایلرز . بونی قارئلریمزہ دہائی ایضاح ایتمک اوزرہ بروجه آتی برمثال ذکر ایدیورم : مثلاً مارت آیندہ یز . عربی آینک دہ سکرنجی کونندہ بولونیورز . جدولہ صاعدن صولہ طوغر دردنجی خانہ دہ کی مارت آینی و صکرہ یوقاریدن آشاغی یہ طوغری عربی آیلر صرہ سندنہ واوچنجی خانہ دہ کی سکزی بولورز . بوایکی خانہ نک بربریلہ برلشدیکی نقطہ یہ باقارزکہ اورادہ جوزا محرردر . دیمککہ قر اوکون جوزا برجدہ بولنمقدہ در .

بر کرہ قمرک هانکی برجدہ اولدیغی تعیین ایلدکن صکرہ منازل قمرک برجلرہ تقسیمندہ بیان اولنان حسابہ نظراً قمرک اوکون هانکی منزله دہ اولدیغی تعیین وحساب ایتمک مشکل اولیہ جقدر .

## سعد ونحس ساعتلر

کیجه وکوندوزدن مرکب بر کون تام یکر می درت ساعت اولدیغی

جهتله بونك اون ايكيسی كوندوز واون ايكيسی كيجه عد ايديلور .  
موسمنه كوره كونلرك وكيجهلرك اوزون و قيصه اولسي نظراعتباره  
آلتاز. كيجهنك ابتداسی ، دائما الاتورقه ساعتله تام اون ايكي به تصادف  
ايدن غروبدين بالاعتبار صباحك الاتورقه اون ايكيسنه قدر اولان  
مدت كيجه و او ساعتدن غروب شمسه قدر اولان مدتده كوندوز  
عدو اعتبار اولونور .

آتيده احكامی بيان اولنان ساعتلك بوصورتله حساب ايدلسی ايجاب ايدر

## پازار كونی

برنجی ساعت — سعد وكونشه منسوبدر . جلب محبت، تأمين  
حسن قبول ، اكابر و اعظامه ملاقات خصوصلرينه عايد خواص قرائنه  
مساعددردر. بو ساعتده يكي الييسه كيمك خيرليدر.

ايكنجی ساعت — نحس وزهرهيه منسوبدر . بو ساعتده هيچ  
برشيئه تشبث ايتك واجرا ايتك مناسب دكلدر .

اوچنجی ساعت سعد و عطارده منسوبدر. بونده سياحت و سفره،  
تأمين و جلب محبته، قبول و حرمته دائر خواص شريفه او قومق موافقدر.  
دردنجی ساعت — نحس و قره منسوبدر . بر شی آلوب صاتمق،  
بيع و شرا، عقد شركت و نکاح خيرلی اولديني کبی امور خيريه دن  
هيچ بر ايشه مناسب دكلدر .

بشنجی ساعت — زحله منسوب و نحسدر . تفریق بين ، القای  
بغض و عداوت ، قهر و تدمير اعدا، اضرار حساد ايجون خواص  
اوقونور .

التنجی ساعت — مشترینک ساعتی اولوب سعدیو . بونده اعظم  
وا کاردن طلب حاجت مناسب اولدینی کبی بونی تأمین ایچون خواص  
اوقوندینی حالده تأثیری مشهود اولور .

بدنجی ساعت — مریخه منسوب ونحسدر . بوساعتده هیچ بر  
شیشه تشبث و اجرا خیرلی دکلدر . موفقیت تأمین ایدلر .  
سکزنجی ساعت — کونشه منسوب و سعد اعظمدر . بوساعتده  
امور خیریه دن هر شیشه تشبث اولنور . اجرا اولنان اعمالده خیره  
مطلوب حاصل اولور .

طقوزنجی ساعت — سعد وزهره یه منسوبدر . جلب قلوب و محبت ،  
تسخیر و تأمین نکاح ، تسهیل موفقیت ؛ تحصیل رضا کبی خصوصات  
ایچون قرائت مناسبدر .

اونجی ساعت — خیرلی و مسعود بر ساعت اولوب عطاردده منسوبدر .  
بونده هر آرزو ایدیلان شی اجرا ، هر درلو خواص قرائت اولونور .  
اون برنجی ساعت — سعد و قره منسوبدر . خیرلی بر ساعت  
اولدیغندن امور خیریه نك كافه سنه مساعدر . طلسم ، نسخه و وفق  
کبی شیر یازیلور .

اون ایکنجی ساعت — زخله منسوب ونحس اعظمدر . مضر تدن  
یشقه بر شیشه صالح اولدیغندن بوساعتده هیچ برایشه تشبث ای دکلدر .

### پازار ایرتسی کونی

برنجی ساعت — قر و سعددر . جلب قلوب و تسخیر محبت ، اصلاح  
ینه ، منع قیل و قاله ، عقد السنه یه صالحدر .

ایکنجی ساعت - زخله عاٹد وسعددر . یولجیلغه ، سلامت سفره ،  
بوتون امور مشر وعه وخیریه یه مناسب وموافقدر .

اوجنجی ساعت - مشتری ساعتی اولوب سعددر . ازدواجه ،  
عقد نکاحه ، محاکمه یه کیرمکه ، شراکتہ وبوکبی شیلره مناسب  
ومساعددر .

دردنجی ساعت - نحس ومریخه منسوب اولوب تسلیط جن  
وامراض ، تضییق واجبار ، قهر واهلاک کبی فنا شیلرک اجراسنه  
یارار وبوکا دائر خواص اوقونور .

بشنجی ساعت - سعد وشمسه منسوبدر . قضای حوایج ،  
عقد لسان ، تسخیر قلوب ، جلب وتأمین محبت کبی شیلره موافقدر .  
التنجی ساعت - سعد منقلب اولوب زهریه منسوبدر . طلسم  
ونسخه کبی شیلرک یازلمسنه صالحدر .

یدنجی ساعت - عطارده منسوب وسعددر . قضای حوایج ،  
عقد السنه ، جلب وجذب قلوب ، تأمین مودت ایشلرینه یارار .  
سکزنجی ساعت - قره طائد وسعددر . ازدواجه ، اصلاح  
بینه ، تأمین مودت وموفقیتہ وامثالنه مساعددر .

طقوزنجی ساعت - نحسدر وزخله منسوبدر . تفریق بینه ، القای  
بغض وعداوتہ ، تعذیبه طائد شیلر یاپیلیر واوقونور .

اونجی ساعت - مشتری ساعتی اولوب سعدا کبر اولدیغندن  
هر خیرلی ایش ایچون مساعد ومناسبدر . اونده اوله جق هر بر تثبث  
موفقیتله تنوج ایدر . وخیرلی اولور .

اون برنجی ساعت — مریخه منسوب ونحسدر . بو ساعتده  
 القای بغض وعداوتہ ، تفریق بینہ ، قهر وتدمیرہ ، تخریب کاروکسبه  
 عائد ایشلرہ تثبت اولونوب بونلر ایچون اوقونور ویازیلور .  
 اون ایکنجی ساعت — شمشه عائد وسعد اکبردر . عطف  
 وجلب قلوب، تسخیر افئده، القای عشق ومحبت ، عقد لسان ایله  
 منع قیلوقال کبی خیرلی شیلرہ باشلانیر .

### صالی کوئی

برنجی ساعت — مریخک ساعتی اولوب نحسدر . القای بغض وعداوتہ ،  
 افسادین ومناسبت ، ایقاع اسقام وامراض، تسلیط کبی ایشلر کوریاپر .  
 ایکنجی ساعت — هر نه قدر شمشه منسوب ایسهده نحسدر .  
 بو ساعتده هیچ بر شی یا پمق خیرلی دکلدر . بباء علیه بر ایشه تثبت  
 موافق ومناسب اولماز .  
 اوچنجی ساعت — سعد وزهره یه منسوبدر . طلب ازدواج ،  
 عقد نکاح ، اجرای زفاف، استدعای منصب، رجای اقراض مناسبدر .  
 دردنجی ساعت — عطارده عائد اولوب سعددر . آلیش ویریش ،  
 تزئید تجارت ، جلب مشتری ایچون خواص قرائتی مناسبدر .  
 بشنجی ساعت — قره منسوب اولمقله برابر نحس اولدیغندن  
 او ساعتده هیچ بر ایشه تثبت ای دکلدر . بوندن اجتناب ایدلملیدر .  
 التنجی ساعت — زخله منسوب ونحسدر . او ساعتده اویقو  
 باغلامق ، کوز آغریسی ، هر درلو اسقام وامراض تسلیطی کبی  
 تادیبی حائز معاملاتہ تثبت اولنور .

یدنجی ساعت — مشتری به منسوب وسعد اکبردر . بو ساعتده ایسته دیک شینی یا بمقده ، دیله دیکک خواص وعزیمتی او قومقده مختار سک .

سکزنجی ساعت — مریخه طأدو نحسدر . تسلیط جن وامراض ، اضرار وافساد ، تفریق بین ، القای عداوت وبغض کبی شیر یاپیلیر . طقوزنجی ساعت — شمسه منسوب وسعد اعظمدر . عقدنکاح ، ازدواج ، شرکت ، جلب وتسخیر قلوب ، القای عشق ومحبت کبی خصوصاته موافق ومناسب بر ساعتدر .

اونجی ساعت — زهریه منسوب ونحسدر . اونده هیچ برشینه قشبت ایتمک خیرلی وموافقدر .

اون برنجی ساعت — عطارده منسوب ونحس اولوب سیروسفری منع ، ازدواج ویامشارکتی اخلال ، تجارتی افساد کبی شیرله موافقدز .

اون ایکنجی ساعت — قره منسوب اولمقله برابر نحسدر . القای بغض و عداوت ، ایقاع شر و طلاق ، تخریب بیت و اخراج کبی شیرله مساعد ومناسبدر .

## چهارشنبه کونی

برنجی ساعت — سعد اولوب عطارده منسوبدر . حسن قبولک ، قضای حاجتک تأمین ، جلب وتسخیر محبت ومودتک تسهیلی خصوصنده طوقونور ویازیلور .

ایکنجی ساعت — قره منسوب ونحسدر. بوساعتده باشلانیلان  
وکوریلن هیچ بر ایش خیر دکلدرد .

اوجنجی ساعت — نحس وزخله طأددر . اونده: قهر وتدمیر ،  
القای عداوت ، تفریق بین ، تسلیط جن وامراض ، ابطال تجارت  
کبی فنانغه طأد هر ایشه توسل ایدیله بیلیر .

دردنجی ساعت — سعد اکبر ومشتری یه منسوبدر . اعمال خیریہ  
ومشروعدن هر آرزو اولنان شینہ تثبت ایدیلیر وموفق اولونور .

بشنجی ساعت — نحس و مریخه منسوبدر . امور بخیریہ دن  
غیری هر ایش ایچون مناسب وموافقدر .

التنجی ساعت — شمسه منسوب وسعددر . برأ وبحراً سفرده تأمین  
سلامت وخیره ، بالجمله افعال مقبوله ومدوحه یه مساعد بر ساعتدر .

یدنجی ساعت — زهره یه طأد وسعددر . بونده آرزو اولنان  
امور خیریہ یه توسل ایدیلیر وبونک ایچون خواص اوقونور .

سکزنجی ساعت — سعد اولوب عطارده منسوبدر . تشفیة  
امراض ، تقویة نفوس ، جلب والقای محبت کبی خصوصات ایچون  
نسخه وطلسم یازلغه مناسبدر .

طقوزنجی ساعت — قر ساعتی ونحسدر . تفریق بین ، القای  
بغض و عداوت ، تسلیط امراض کبی شیلره مساعددر .

اوننجی ساعت — زخله منسوب وسعددر . سلاطین واطاظم  
طرفندن حسن قبوله مظهر اولوق ، مهم ایشلرده تأمین موفقیت  
ایتمک کبی شیلره تثبت و قرائته مناسبدر .

اون برنجی ساعت — مشتری یه طأد وسعد اولوب مظهر حرمت